

ხობის მუნიციპალიტეტის გამგებლის 2015 წლის ანგარიში

მოგესალმებით ქალბატონებო და ბატონებო.

მაქვს პატივი, წარმოგიდგინოთ ანგარიში განვლილი ერთი წლის მანძილზე გაწეულ საქმიანობასთან დაკავშირებით.

საქართველოს კანონმდებლობით, 2014 წლის ადგილობრივი თვითმმართველობის ორგანოების არჩევნების შემდგომ, ადგილობრივ თვითმმართველობას გადაეცა ფართო უფლებამოსილებები მუნიციპალიტეტებში განსახორციელებელ საქმიანობებთან დაკავშირებით. ახალ და გაზრდილ უფლებამოსილებებთან ერთად, ასევე დადგინდა პასუხისმგებლობა და ვალდებულება არჩევითი ორგანოებისა და ამ ორგანოების წევრთა მხრიდან მოსახლეობის წინაშე ანგარიშვალდებულების შესახებ.

დღევანდელი ჩვენი შეხვედრაც პირველი საჯარო შეხვედრაა იმ არაოფიციალურ და სისტემატურ შეხვედრებს შორის, სადაც გამგებელი ამომრჩეველთა ფართო სპექტრს წარუდგენს ანგარიშს გაწეულ საქმიანობასთან დაკავშირებით.

ადგილობრივ ხელისუფლებას დიდი ძალისხმევა მართებს, რათა ადგილობრივ დონეზე ეფექტურად, კომპეტენტურად და ოპერატიულად მოაგვაროს ისეთი სახის საკითხები, რომლებიც საზოგადოებისთვის პირველი რიგის ინტერესებს წარმოადგენენ.

ამ მიზნებისთვის მნიშვნელოვანი ღონისძიებები გატარდა განვლილი ერთი წლის განმავლობაში, რაც მუდმივად და მზარდად აისახება მუნიციპალიტეტში მოსახლეობის მდგომარეობის გაუმჯობესებაზე ინფრასტრუქტურისა და სოციალურ-ეკონომიკური განვითარების თვალსაზრისით.

გაწეული საქმიანობის ეფექტურობაში თანაბარი წვლილი მიუძღვის გამგეობის თითოეულ სამსახურს, რომლებიც საქართველოს კანონმდებლობით მინიჭებულ უფლებამოსილებათა ფარგლებში, საკრებულოს გადაწყვეტილებათა შესაბამისად აღასრულებდნენ ადგილობრივი თვითმმართველობის აღმასრულებელი ორგანოებისთვის მიკუთვნებულ უფლებამოსილებებს.

2014 წლის 1 აგვისტოდან, ახალი კანონმდებლობის ამოქმედების შემდგომ, გამგეობის რეორგანიზაციის შედეგად ჩამოყალიბდა 10 სამსახური. ესენია:

1. ადმინისტრაციული სამსახური;
2. საფინანსო-საბიუჯეტო სამსახური;
3. ეკონომიკური განვითარებისა და პროგრამების მართვის სამსახური;
4. ინფრასტრუქტურის, ურბანული განვითარებისა და არქიტექტურის სამსახური;
5. სოფლის მეურნეობის განვითარების სამსახური;
6. კულტურის, განათლების, სპორტის, ძეგლთა დაცვისა და ახალგაზრდულ საქმეთა სამსახური;

7. შრომის, საზოგადოებრივი ჯანმრთელობისა და სოციალური დაცვის, ვეტერანთა, ლტოლვილთა და იძულებით გადაადგილებულ პირთა საქმეების სამსახური;

8. წვევამდელთა, რეზერვისტთა, სამხედრო აღრიცხვის, გაწვევის და მობილიზაციის სამსახური.

9. სახანძრო დაცვისა და სამაშველო სამსახური.

10. შიდა აუდიტისა და კონტროლის სამსახური.

საქართველოს კანონმდებლობაში განხორციელებული ცვლილებების საფუძველზე, 2015 წლის 10 იანვრიდან გამგეობას გამოეყო სახანძრო დაცვისა და სამაშველო სამსახური და საქართველოს შინაგან საქმეთა სამინისტროს დაქვემდებარებაში ჩამოყალიბდა საჯარო სამართლის იურიდიული პირის - საგანგებო სიტუაციების მართვის სააგენტოს სამეგრელო-ზემო სვანეთის საგანგებო სიტუაციების მართვის სამმართველოს ხობის სახანძრო-სამაშველო განყოფილების სახით.

უნდა აღინიშნოს, რომ ხობის მუნიციპალიტეტის გამგეობის სახანძრო დაცვისა და სამაშველო სამსახური ერთ-ერთი მაღალორგანიზებული და ბრძოლისუნარიანი ქვედანაყოფი იყო რეგიონის მუნიციპალიტეტების სახანძრო-სამაშველო ქვედანაყოფებს შორის. ხობის მუნიციპალიტეტის ადგილობრივი თვითმმართველობის სახელით მსურს მადლობა გამოვუცხადო გამგეობის ყოფილი სახანძრო დაცვისა და სამაშველო სამსახურის ყველა თანამშრომელს ათწლეულების განმავლობაში გაწეული ერთობლივი და ნაყოფიერი სამსახურისთვის და წარმატებები ვუსურვო მათ, და ხობის სახანძრო-სამაშველო განყოფილებას - მის თითოეულ მოსამსახურეს, მოსახლეობის უსაფრთხოების სადარაჯოზე სამსახურში.

გამგეობის მიერ გაწეული საქმიანობის სრულყოფილად წარმოჩენის მიზნით, წარმოგიდგენთ როგორც სამსახურების მიერ წარმოებულ საქმიანობას მათ კომპეტენციას მიკუთვნებული საკითხების გადაწყვეტისათვის, ასევე მათი საქმიანობის შედეგად მუნიციპალიტეტის მასშტაბით მიღწეულ შედეგებს:

მუნიციპალიტეტის განვითარებაში მნიშვნელოვან როლს ასრულებს საბიუჯეტო შემოსავლები, რომლის მოცულობითაც იგი წლების განმავლობაში გამორჩეული იყო სხვა მუნიციპალიტეტებისგან.

ადგილობრივი საბიუჯეტო რესურსების მართვას ახორციელებს გამგეობის საფინანსო-საბიუჯეტო სამსახური, რომელიც უზრუნველყოფს მუნიციპალიტეტის ბიუჯეტის პროექტის მომზადებას, მუნიციპალური პროგრამების საფინანსო გაანგარიშება-დასაბუთებას, დამტკიცებული ბიუჯეტის შესრულებას, საბიუჯეტო სახსრების მიზნობრივ, მიზანშეწონილ და ეფექტიან გამოყენებაზე წინასწარი და მიმდინარე კონტროლის დაწესებას, ბიუჯეტით განსაზღვრული ასიგნებების შესაბამისად ხარჯების გაწევას, შესაბამისი ფინანსური ოპერაციების განხორციელებას და ბიუჯეტის შესრულების შესახებ ანგარიშგებას.

მუნიციპალიტეტის 2015 წლის ბიუჯეტის პროექტი მუნიციპალიტეტის საკრებულოს წარედგინა და საკრებულოს მიერ დამტკიცდა კანონმდებლობით დადგენილ ვადაში.

მუნიციპალიტეტის საკრებულოს მიერ დამტკიცებული 2015 წლის ადგილობრივი ბიუჯეტი ყველა საჭირო დანართებით წარდგენილ იქნა საქართველოს ფინანსთა სამინისტროში.

საკრებულოს მიერ დამტკიცებულ ბიუჯეტზე შედგა განწერა კვარტალებისა და თვეების მიხედვით, რომლის ფარგლებშიც ასევე მომზადდა და დამტკიცდა ადგილობრივი შესყიდვების გეგმა და აღმასრულებელი ხელისუფლების მიერ საბიუჯეტო რესურსების ხარჯვა გეგმიურად ხორციელდება.

2015 წლის ადგილობრივი ბიუჯეტი საშემოსავლო ნაწილში დამტკიცდა 6424200 ლარის, ხოლო საგასავლო ნაწილში - 6433900 ლარის ოდენობით.

2015 წლის 1 ოქტომბრის მდგომარეობით, ბიუჯეტში განხორციელებული ცვლილებების გათვალისწინებით მუნიციპალიტეტის 2015 წლის ადგილობრივი ბიუჯეტის დაზუსტებულმა გეგმამ შეადგინა საშემოსავლო ნაწილში 10239100 ლარი, ხოლო საგასავლო ნაწილში 10275600 ლარი. შემოსულობებიდან 5559700 ლარი საქართველოს სახელმწიფო ბიუჯეტიდან გამოყოფილი გრანტებია, მათ შორის დელეგირებული უფლებამოსილების განსახორციელებლად 220,0 ათასი ლარი, ხოლო გათანაბრებითი ტრანსფერი - 1551800 ლარი. 3787900 ლარი საქართველოს რეგიონებში განსახორციელებელი პროექტების ფონდებიდან გამოყოფილი სახსრებია რომლის ფარგლებშიც 841,0 ათასი ლარი სოფლის მხარდაჭერის პროგრამით გამოყოფილ ტრანსფერს წარმოადგენს.

ადგილობრივი ბიუჯეტის ხარჯების დიდი ნაწილი ეკონომიკური ეფექტიანობის ზრდისათვის მიიძღრთა მუნიციპალიტეტის ტერიტორიაზე ინფრასტრუქტურის რეაბილიტაციისა და მისი შემდგომი განვითარებისთვის.

საბიუჯეტო სახსრების მიმართვა შესაბამისი სფეროების მიხედვით და გამგეობის საქმიანობის ეფექტურობა უნდა განვიხილოთ შესაბამისი სამსახურების მხრიდან ამ სფეროებში გაწეული საქმიანობით:

ეკონომიკური განვითარების უზრუნველსაყოფად გამგეობა თავის უფლებამოსილებებს ახორციელებს ეკონომიკური განვითარებისა და პროგრამების მართვის სამსახურის მეშვეობით. სამსახური უზრუნველყოფს თვითმმართველ ერთეულში ერთიანი ეკონომიკური პოლიტიკის განსაზღვრას და განხორციელებას, ამ მიზნით საჭირო ინვესტიციების მოზიდვას, ეკონომიკური საქმიანობის მარეგულირებელი წესების შემუშავებას, ეკონომიკური განვითარების სტრატეგიებისა და მუნიციპალური პროგრამების შემუშავებას და განხორციელებას, სტატისტიკური ინფორმაციის შეგროვება-დამუშავებას, წინადადებების შემუშავებას მუნიციპალიტეტის ქონების მართვის, სატრანსპორტო რეგულირების, ადგილობრივი მოსაკრებლებისა და სხვა სახის ეკონომიკური აქტივობების შესახებ.

სამსახურის მიერ ხორციელდება მუნიციპალიტეტის ადმინისტრაციულ ერთეულებში არსებული ქონების აღრიცხვა და მისი მართვისა და განკარგვისთვის წინადადებების და სათანადო

დოკუმენტაციის მომზადება, სახელმწიფო და ადგილობრივი ქონების გამიჯვნა, რეგისტრაციისთვის საჭირო პროცედურების გატარება და საჯარო რეესტრის ეროვნულ სააგენტოში რეგისტრაცია. განხორციელდა მუნიციპალიტეტის ტერიტორიაზე არსებული აუთვისებელი ქონების ინვენტარიზაცია. აღიწერა სახელმწიფო და მუნიციპალურ საკუთრებაში არსებული შენობა-ნაგებობები, მუნიციპალური დანიშნულების მიწის ფართობები, მუნიციპალიტეტის ტერიტორიაზე არსებული ადგილობრივი მნიშვნელობის გზები. აღსანიშნავია, რომ მომზადდა წინადადება და სახელმწიფო საკუთრებაში არსებული და მიმდინარე პერიოდისთვის დაუტვირთავი ქონებიდან მუნიციპალიტეტს საკუთრებაში გადმოეცა კინოთეატრი „თუთარჩელა“, რის შემდეგაც მიმდინარეობს ინტენსიური მუშაობა მისი ფუნქციური დატვირთვისათვის სათანადო სამუშაოების განსახორციელებლად. ამ თემას ჩვენ ამავე ანგარიშში კვლავ შევხებით.

2015 წლის 10 თვის მდგომარეობით, მუნიციპალიტეტის საკუთრებაში არსებული ფართების გაიჯარებიდან ადგილობრივ ბიუჯეტში შემოსულია 30500 ლარი ხოლო სასოფლო-სამეურნეო დანიშნულების მიწის გაიჯარებიდან - 2000 ლარი. კონტროლდება დასუფთავების მოსაკრებლების გეგმის შესრულების საკითხი. დასუფთავების მოსაკრებლებიდან შემოსულია 28900 ლარი რაც უკვე წლიური გეგმის 77%-ს შეადგენს. გარემოს დაცვისა და ბუნებრივი რესურსების სარგებლობიდან მოსაკრებლის სახით შემოსულია 128000 ლარი ნაცვლად 115000 ლარისა, სანებართვო მოსაკრებელმა 40000 ლარი შეადგინა ნაცვლად 6000 ლარისა.

ადგილობრივი ხელისუფლების ერთ-ერთი მიზანი მუნიციპალიტეტის ტერიტორიაზე ხელსაყრელი და მიმზიდველი ეკონომიკური და სოციალური გარემოს შექმნაა, რაც ინვესტიციების მოზიდვისა და ეკონომიკური განვითარების საფუძველი უნდა გახდეს.

ამ კუთხით მუნიციპალიტეტში მნიშვნელოვანი აქტივობები შეინიშნება. ჩამოვთვლით მხოლოდ უკანასკნელი პერიოდის განმავლობაში განხორციელებულ ინვესტიციებს:

შპს „კახური ტრადიციული მეღვინეობის“ მიერ შესყიდულ იქნა 200 ჰა მიწის ნაკვეთი სოფლის მეურნეობის, კერძოდ დაფნის პლანტაციის გასაშენებლად. ინვესტიციის მთლიანმა მოცულობამ 1,5 მილიონი ლარი შეადგინა - დასაქმდება 60-მდე მუშახელი.

შპს „ფიგაროს“, პროგრამის „აწარმოე საქართველოში“ ფარგლებში საკუთრებაში გადაეცა 2 ჰა მიწის ფართობი, სადაც მოეწყო პლასტმასის ნაკეთობათა ახალი საწარმო. ინვესტიციების მთლიანმა მოცულობამ 2,0 მილიონი ლარი შეადგინა - დასაქმდება 50-მდე მუშახელი.

შპს „კოლხას“ მიერ, პროგრამის „თანადაფინანსების პროექტის“ ფარგლებში სიმინდის მარცვლის გადამამუშავებელი და ზეთის მიმღები ქარხანა შენდება. პროექტის ფარგლებში იხარჯება 2,4 მილიონი ლარი, პროექტს გარეთ კი - ასევე 2,4 მილიონი ლარი. ISO სერთიფიცირებასთან დაკავშირებით მიმდინარეობს კონსულტაციები - დასაქმდება 50-მდე მუშახელი.

შპს „კოლხურის“ მიერ, პროგრამის „აწარმოე საქართველოში“ ფარგლებში კომბინირებული საკვების საწარმო შენდება. ინვესტიციის მთლიანი მოცულობა 2,2 მილიონ ლარს შეადგენს - დასაქმდება 30-მდე მუშახელი.

შპს „ხიბლის“ მიერ შეიქმნა თაბაშირ-მუყაოს და სამშენებლო მასალების საწარმო. ინვესტიციების მთლიანმა მოცულობამ 4,4 მილიონი ლარი შეადგინა - დასაქმდება 40-მდე მუშახელი.

შპს „კოლხეთი და კომპანიას“ მიერ, პროგრამის „აწარმოე საქართველოში“ ფარგლებში, შეიქმნა კომპლექსი „კოლხური ნობათი“, რაც მოიცავს მეფრინველეობას, მეცხოველეობას, თანამედროვე სტანდარტების სასაკლაოს. ინერგება „HASP“-ის სტანდარტები, პროდუქტების მწარმოებელი საწარმო. ინვესტიციების მთლიანმა მოცულობამ 432,0 ათასი დოლარი შეადგინა - დასაქმდება 20-მდე მუშახელი. პროექტის ფარგლებში გათვალისწინებულია მსგავსი კომპლექსის შექმნა ზონებრივად, 3 ზონაში, ხოლო მუნიციპალიტეტის ყველა სოფელში - ეტაპობრივად თითო საწარმოს გახსნა მაინც.

შპს „შამათიას“ მიერ სოფლის მეურნეობის მხარდაჭერის პროგრამა „EMPARDI“-ის ხელშეწყობით შეიქმნა სასათბურე მეურნეობა. ინვესტიციების საერთო მოცულობამ 96,0 ათასი ლარი შეადგინა - დასაქმდება 15-მდე მუშახელი.

შპს „Georgian Product Renaissance“ მიერ, ქ. ხობში შეიქმნა თხილის გადამამუშავებელი საწარმო, რომლის საინვესტიციო ღირებულებამ 690,0 ათასი ლარი შეადგინა - დასაქმდება 40-მდე მუშახელი.

შპს „რუკა მაპინგის“ მიერ, პროგრამის „აწარმოე საქართველოში“ ფარგლებში, საჯიჯაოში, 2016 წლისთვის დაგეგმილია თხილის ქარხნის მშენებლობა წელიწადში 1000 ტონა თხილის გადამამუშავების წარმადობით. ინვესტიციის მოცულობა 1,2 მილიონი ლარია - დასაქმდება 75-მდე მუშახელი.

პროგრამის „აწარმოე საქართველოში“ ფარგლებში დაწყებულია და მიმდინარეობს მიკრო და მცირე მეწარმეობის ხელშეწყობის პროექტის განხორციელება, რომლის ფარგლებში ხობის მუნიციპალიტეტის ტერიტორიაზე 50-ზე მეტმა პროექტმა გადალახა პირველი ეტაპი. ეკონომიკური განვითარებისა და პროგრამების მართვის სამსახურის თანამშრომლების მიერ მცირე მეწარმეებს გაეწიათ საკონსულტაციო და პრაქტიკული დახმარება. გრანტის მოსაპოვებლად საჭირო ბიზნეს გეგმისა და სხვა აუცილებელი დოკუმენტაციის მოსამზადებლად.

მნიშვნელოვანი და მოთხოვნადი მიმართულებაა ინფრასტრუქტურული პროექტების განხორციელება, რის საფუძველზეც უკანასკნელ წლებში მნიშვნელოვნად არის ყურადღება გამახვილებული მუნიციპალიტეტში არსებული ინფრასტრუქტურის განვითარებაზე.

უნდა აღინიშნოს, რომ ამ მიმართულებით მუნიციპალიტეტის საქმიანობა წარმატებულად იქნა აღიარებული არამარტო რეგიონის, არამედ მთელი საქართველოს მასშტაბით. ამ სფეროში

გამგეობის სამსახურებიდან ძირითადი დატვირთვა გამგეობის ინფრასტრუქტურის, ურბანული განვითარებისა და არქიტექტურის სამსახურზე მოდის. სამსახური უზრუნველყოფს მუნიციპალიტეტის სივრცითი ტერიტორიული დაგეგმვისა და ქალაქთმშენებლობის დოკუმენტების შემუშავებას, მშენებლობის ნებართვების თაობაზე გადაწყვეტილებების მომზადებას, მშენებლობაზე და არქიტექტურულ საქმიანობაზე ზედამხედველობას, ინფრასტრუქტურის განვითარებას და მუნიციპალიტეტის კეთილმოწყობას.

სამსახურის მიერ, გამგეობის სხვა სამსახურებთან ერთად კოორდინირებული საქმიანობით დაიგეგმა და 2015 წელს სახელმწიფო და ადგილობრივი ბიუჯეტის სახსრებით მუნიციპალიტეტის ტერიტორიაზე განხორციელდა, ან ხორციელდება 4452789 ათასი ლარის კაპიტალური სამუშაოები, მათ შორის:

საქართველოს რეგიონებში განსახორციელებელი პროექტის ფონდიდან დასაფინანსებელი პროექტების ფარგლებში, მუნიციპალიტეტის ტერიტორიაზე განხორციელდა, ან მიმდინარე პერიოდისთვის ხორციელდება 2542079 ათასი ლარის მოცულობის შემდეგი სამუშაოები:

1. ხეთა-თორსის წყალსადენი სისტემის რეაბილიტაცია - 530000 ლარის მოცულობით;
 2. ხობის №2 საბავშვო ბაღის სარემონტო სამუშაოები - 311645 ლარის მოცულობით;
 3. ქ. ხობში ვაჟა ფშაველას, თავისუფლების, სულხან-საბას, წერეთლის, ბარათაშვილისა და, გორგასალის ქუჩების კეთილმოწყობის (მოასფალტების) სამუშაოები - 1010000 ლარის მოცულობით;
 4. ხობის მუნიციპალიტეტში კულტურულ-საგანმანათლებლო და ახალგაზრდული ცენტრის შექმნა (ქ. ხობის კულტურის სახლის რეაბილიტაციის პირველი ეტაპი) - 240000 ლარის მოცულობით;
 5. ქ. ხობში ჭყონდიდელის ქუჩაზე 60 ბინიანი საცხოვრებელი სახლის სახურავის რეაბილიტაცია - 75935 ლარის მოცულობით;
 6. ბიის წყალსადენი სისტემის სარეაბილიტაციო სამუშაოები - 129499 ლარის მოცულობით;
- გარდა ჩამოთვლილისა, ასევე დაწყებულია ქ. ხობში მირცხულავასა და სამეგრელოს ქუჩების მოასფალტების სამუშაოები - 245000 ლარის მოცულობით;

სოფლის მხარდაჭერის პროგრამის ფარგლებში, 2015 წელს, მუნიციპალიტეტისთვის საქართველოს სახელმწიფო ბიუჯეტიდან საქართველოს მთავრობის განკარგულებით გამოყოფილ იქნა 840964 ლარი. პროგრამის ფარგლებში მუნიციპალიტეტის ადმინისტრაციულ ერთეულებში უკვე სრულად არის დასრულებული დაგეგმილი სამუშაოები, რომელთა ფაქტიურმა ღირებულებამ მიმდინარე პერიოდისთვის წარმოდგენილი დოკუმენტაციის შესაბამისად 764286 ლარი შეადგინა. რეაბილიტირებულია 46 ობიექტი, მათ შორის:

1. ხეთისა და პირველი მაისის ადმინისტრაციულ ერთეულებში განხორციელდა სასმელი წყლის სისტემის აღდგენის სამუშაოები - 16015 ლარის ღირებულებით;

3. ზემო ქვალონის, ნოჯიხევის, ქარიატის, ქვემო ქვალონისა და ხეთის ადმინისტრაციულ ერთეულებში განხორციელდა სანიაღვრე არხების ამოწმენდის სამუშაოები - 53693 ლარის ღირებულებით;

4. ახალსოფლის, ზემო ქვალონის, თორსა-დღვაბის, პატარა ფოთის, შავდელეს, საგვიჩიოს, საჯიჯაოს, ჭალადიდის, შუა ხორგისა და ხეთის ადმინისტრაციულ ერთეულებში განხორციელდა გზების რეაბილიტაციის სამუშაოები - 218361 ლარის ღირებულებით;

5. ყულევის ადმინისტრაციულ ერთეულში განხორციელდა გარე განათების მოწყობის სამუშაოები - 8551 ლარის ღირებულებით;

6. ახალსოფლის, ახალი ხიბულის, ბიის, პირველი მაისის, ზემო ქვალონის, ნოჯიხევის, პირველი ხორგის, საჯიჯაოს, ქვემო ქვალონის, ძველი ხიბულის, ხამისკურისა და ხეთის ადმინისტრაციულ ერთეულებში განხორციელდა საბავშვო ბაღების რეაბილიტაციის სამუშაოები - 408979 ლარის ღირებულებით;

7. თორს-დღვაბის ადმინისტრაციულ ერთეულში განხორციელდა სკვერებისა და ბაღების რეაბილიტაციის სამუშაოები - 14875 ლარის ღირებულებით;

8. საჯიჯაოს ადმინისტრაციულ ერთეულში განხორციელდა მოსაცდელეების მოწყობის სამუშაოები - 7000 ლარის ღირებულებით;

9. გურიფულისა და ქარიატის ადმინისტრაციულ ერთეულებში განხორციელდა სასაფლაოს შემოღობვის სამუშაოები - 36812 ლარის ღირებულებით;

სტიქიის შედეგად დაზიანებული ობიექტების რეაბილიტაციის მიზნით მომზადდა სათანადო წინადადებები და საქართველოს მთავრობის განკარგულებით გამოყოფილი თანხებით გათვალისწინებულ იქნა 934077 ლარის ღირებულებით 8 ობიექტის რეაბილიტაცია, რომელთაგან 6 უკვე დასრულებულია. გათვალისწინებულ ობიექტთა ნუსხაშია:

1. გურიფულის ადმინისტრაციულ ერთეულში მდინარე ხობზე ნაპირსამაგრი სამუშაოები რომლისთვისაც 2015 წლისთვის გამოყოფილია 761376 ლარი, ხოლო 2016 წლისთვის - 405158 ლარი;

2. პირველი მაისის, ბიის, ქარიატის, საჯიჯაოსა და ძველი ხიბულის ადმინისტრაციულ ერთეულებში დაზიანებული ხიდების სარეაბილიტაციო სამუშაოები (8 ობიექტი), საერთო ღირებულებით - 138624 ლარი;

3. საჯიჯაოს ადმინისტრაციულ ერთეულში სტიქიის (სეტყვა) შედეგად მოსახლეობის საცხოვრებელი სახლების დაზიანებული სახურავების აღსადგენი მასალების შესყიდვა - 34077 ლარის ღირებულებით;

საკუთრივ 2015 წლის ადგილობრივი ბიუჯეტით სამშენებლო-სარემონტო და სხვა მომსახურებებზე გამოყოფილია 104200 ლარი, რომლის ფარგლებშიც მუნიციპალიტეტის ტერიტორიაზე ხორციელდება შემდეგი სახის სამუშაოები:

1. გზების მოვლა-შენახვა - 30000 ლარის მოცულობით;
2. მინი სტადიონების მოვლა-შენახვა - 15000 ლარის მოცულობით;
3. ძველი ხიბულის ადმინისტრაციულ ერთეულში სასოფლო გზის აღდგენითი სამუშაოები - 8800 ლარის მოცულობით;
4. ქ. ხობში სტალინის ქუჩაზე სანიაღვრე არხის ამოწმენდის სამუშაოები - 2500 ლარის მოცულობით;
5. სოფელ ყულევში მოსახლეობისთვის სასმელი წყლის მიწოდება - 15800 ლარის მოცულობით;
6. ქვემო ქვალონის საბავშვო ბაღის სარეაბილიტაციო სამუშაოების მე-2 ეტაპი - 32100 ლარის მოცულობით.

სამსახურის საქმიანობაში ერთ-ერთ მნიშვნელოვან მიმართულებას ზედამხედველობითი ფუნქცია წარმოადგენს. საანგარიშო პერიოდში არქიტექტურულ-სამშენებლო საქმიანობაში სამართალდარღვევათა აღმოფხვრისათვის სათანადო ღონისძიებები ტარდება. გაცემულია მშენებლობის 11 ნებართვა, შეთანხმებულია 41 სამშენებლო პროექტი. გაცემული ნებართვების შესაბამისად, ექსპლუატაციაში მიღებული იქნა 4 ობიექტი.

გარდა ჩამოთვლილი ინფრასტრუქტურული პროექტებისა, მუნიციპალიტეტის ტერიტორიაზე სახელმწიფოს მხრიდან ხორციელდება ისეთი სახისა და მნიშვნელობის პროექტები, რომელთა საშუალებით საზოგადოება ერთი-ორად უკეთ მიიღებს სარგებელს. აქ პირველ რიგში უნდა აღვნიშნოთ ქ. ხობში მიმდინარე წყალმომარაგების მასშტაბური სარეაბილიტაციო სამუშაოები, რომლის ფარგლებშიც ქალაქის მოსახლეობა სრულად იქნება უზრუნველყოფილი 24 საათიანი შეუფერხებელი წყალმომარაგებით. პროექტის ფარგლებში განახლდება სათავე ნაგებობები, ჭაბურღილები და გამოიცვლება ქალაქის ქსელის ამორტიზებული მიწები. პროექტის ღირებულება 3500000 ლარია.

ხობის მუნიციპალიტეტში მიმდინარეობს 5 კილომეტრიანი გზის მოასფალტება რომელიც ერთმანეთს აკავშირებს ზუგდიდი-ნარაზენი-ძველი ხიბულა-ახალი ხიბულა-ზუბის მონაკვეთებს. გზასთან ერთად კეთდება 4 ახალი და რეაბილიტაცია უტარდება 3 ხიდ-ბოგირს, რომელთაგან ერთ-ერთი 21 მეტრი სიგრძის სრულიად ახალი ხიდია. პროექტის ღირებულება 2246000 ლარია.

მუნიციპალიტეტის ტერიტორიაზე, სენაკი-ფოთის საერთაშორისო მნიშვნელობის გზის ქვალონი-ჭალადიდი-პატარა ფოთის მონაკვეთზე, საავტომობილო გზების დეპარტამენტის მიერ ხორციელდება 20 კმ. მონაკვეთის გზის რეაბილიტაცია. სამუშაოთა ღირებულება 12,5 მილიონი ლარია.

მუნიციპალიტეტში „საქართველოს სახელმწიფო ელექტროსისტემისა“ და მისი შვილობილი კომპანია „ენერგოტრანსის“ მიერ, 500-220 კილოვოლტიანი მაღალი ძაბვის ქვესადგური და 220 და 500 კილოვოლტიანი ორჯაჭვა ხაზების მშენებლობა მიმდინარეობს. პროექტის მიზანია 220 კილოვოლტიანი ქსელის იმედიანობის გაზრდა და დასავლეთ საქართველოს

ელექტრომომარაგების წყაროების დივერსიფიკაცია; ასევე ფოთის თავისუფალი ინდუსტრიული ზონის ელექტრომომარაგების საიმედოობის ამაღლება და გაზაფხულის წყალმეტობის პერიოდში საექსპორტო ელექტროენერჯის სიმძლავრეების უზრუნველყოფა. პროექტის საერთო ღირებულება დაახლოებით 50 მილიონ ევროს შეადგენს, რომლის ფარგლებშიც ქვესადგურის მშენებლობისთვის მუნიციპალიტეტის ტერიტორიაზე იხარჯება 12 მილიონი ევრო.

ეკონომიკური პროფილით მუნიციპალიტეტისთვის განსაზღვრული პრიორიტეტების გათვალისწინებით გამგეობაში ასევე მოქმედებს სოფლის მეურნეობის განვითარების სამსახური, რომელიც ამ სფეროში სახელმწიფო სტრატეგიის განხორციელების ერთ-ერთ ხელშემწყობ ორგანოს წარმოადგენს. უზრუნველყოფს მუნიციპალიტეტის ტერიტორიაზე სოფლის მეურნეობის სფეროში სახელმწიფო პოლიტიკის რეალიზაციისა და აგრარული რეფორმების განხორციელების ხელშეწყობას, აგროსასურსათო, აგროგადამამუშავებელი, ნიადაგის ნაყოფიერების აღდგენა-გაუმჯობესების, მემცენარეობის, მეცხოველეობის, მეთევზეობის, აგროსაინჟინრო და ვეტერინარიის დარგების ხელშემწყობი ღონისძიებების განხორციელებას, სოფლის მეურნეობის დარგში დასაქმებული მეურნე სუბიექტებისა და დაინტერესებული პირების დახმარების გაწევას პრობლემების გადაწყვეტაში.

სოფლის მეურნეობის განვითარებაში არსებული პოლიტიკა დარგის მაქსიმალურად მცირე დროში განვითარებისკენაა მიმართული. ხელისუფლება სისტემატურად ახორციელებს ისეთი ტიპის ცვლილებებს, რომელმაც გლეხებს, ფერმერებსა და სოფლის მეურნეობის დარგში ჩართულ მეწარმეებს მეტი სტიმული უნდა მისცეს.

მუნიციპალიტეტის ტერიტორიაზე 2014 წლის მცირემიწიან ფერმერთა საგაზაფხულო სამუშაოების ხელშეწყობის პროექტის ფარგლებში, მიუხედავად რთული კლიმატური პირობებისა, საგაზაფხულო სამუშაოები წარმატებით დასრულდა. სამსახურმა ასევე აქტიური მონაწილეობა მიიღო 2015 წელს მცირემიწიან ფერმერთა საგაზაფხულო სამუშაოების ხელშეწყობის პროექტის მოსამზადებელი სამუშაოების განხორციელების პროცესში. პროექტის ფარგლებში 12024 ბენეფიციარმა მიიღო დახმარება. სულ ხობის მუნიციპალიტეტში მოიხნა 6498,0 ჰა მიწის ნაკვეთი, მომსახურების ღირებულებამ 1400000 ლარი შეადგინა.

მუნიციპალიტეტის ტერიტორიაზე გავრცელებული მავნებლების წინააღმდეგ ბრძოლის ღონისძიებების შესახებ მოსახლეობას ეწეოდა პრაქტიკული დახმარება საჭირო ტექნიკის მობილიზაციასა და შესაწამლი ნივთიერების მოძიებაში.

გამგებლის წარმომადგენლების მიერ მოწოდებული ინფორმაციის საფუძველზე დამუშავდა მონაცემები მუნიციპალიტეტის სასოფლო-სამეურნეო სავარგულების შესახებ დანიშნულებისა და საკუთრების ფორმების მითითებით. აღსანიშნავია, რომ წარმოდგენილი ინფორმაცია საჭიროებს სხვა ალტერნატიული გზებით დაზუსტებას. ასევე მოძიებულ იქნა ინფორმაცია მოქმედი და ადრე ფუნქციონირებადი სასოფლო-სამეურნეო საწარმოების შესახებ. ხობის მუნიციპალიტეტის

ტერიტორიაზე უკვე შექმნილია 12 კოოპერატივი სასოფლო-სამეურნეო სტატუსით. მათ სახელმწიფო პროგრამის ფარგლებში შეღავათიან ფასში მიიღეს მოტობლოკები და ხელით სათესი აგრეგატები.

მიმდინარეობდა დაკვირვება და კომპეტენციის ფარგლებში დახმარება მუნიციპალიტეტის ტერიტორიაზე მიმდინარე ვეტერინარულ ღონისძიებებზე (თურქულის, ჯიღების საწინააღმდეგო აცრები) გროვდებოდა ადმინისტრაციული ერთეულების მიხედვით აცრილი საქონლის შესახებ სტატისტიკური ინფორმაცია.

ადგილობრივ ბიუჯეტში გათვალისწინებულ იქნა 12000 ლარი ხელოვნური განაყოფიერების გზით მსხვილფეხა რქოსანი პირუტყვის ჯიშთა განახლების უზრუნველსაყოფად. პროექტის ფარგლებში შეძენილ იქნა საჭირო ინვენტარი და მასალები. პროექტი ამჟამად ფუნქციონირებს და ნებისმიერ მსურველს შეუძლია ისარგებლოს აღნიშნული სერვისით. პროექტი უზრუნველყოფს მომსახურებას თანადაფინანსების პრინციპით. ბენეფიციარს მომსახურების 140 ლარიდან გადასახდელი ექნება მხოლოდ 20 ლარი. ყველა დანარჩენი ხარჯი ფინანსდება ადგილობრივი ბიუჯეტის სახსრებიდან.

სოფლის მეურნეობის სფეროში ათწლეულების განმავლობაში დაგროვილი გადასაჭრელი საკითხების მოგვარებისთვის არაერთი მნიშვნელოვანი ღონისძიება განხორციელდა სახელმწიფოს მიერ, რომელთა გადაწყვეტისათვის ადგილობრივი ხელისუფლების მხრიდან არაერთი წინადადება იქნა დასმული. ბოლო წლებში, ხობის მუნიციპალიტეტში საქართველოს სოფლის მეურნეობის სამინისტროს სისტემაში შემავალმა უწყებამ შპს „საქართველოს მელიორაცია“ მასშტაბური სამელიორაციო ინფრასტრუქტურის აღდგენითი სარეაბილიტაციო სამუშაოები ჩაატარა და ადგილობრივ ფერმერებს ათასობით ჰექტარი სასოფლო-სამეურნეო სავარგულის დანიშნულებისამებრ გამოყენების საშუალება მიეცათ. პატარა ფოთის ადმინისტრაციულ ერთეულში MD მაგისტრალურ არხზე ასევე მოხდა სატუმბი სადგურების №1 (6 ტუმბო) და №2 (3 ტუმბო) რეაბილიტაცია და აღნიშნულ 8350 გრძივი მეტრის არხზე ამოწმენდის სამუშაოები მიმდინარეობს. სამუშაოების ღირებულებამ 2,8 მილიონი ლარი შეადგინა.

გარდა სხვადასხვა პროფილის ეკონომიკური და ინფრასტრუქტურული კუთხით მუნიციპალიტეტში განხორციელებული საქმიანობისა და მოსახლეობისთვის საყოფაცხოვრებო პირობების გაუმჯობესებისა, არანაკლები ყურადღება ეთმობა მუნიციპალიტეტის მასშტაბით კულტურულ-საგანმანათლებლო, სპორტისა და ძეგლთა დაცვის ღონისძიებებს, რასაც გამგეობა კულტურის, განათლების, სპორტის, ძეგლთა დაცვისა და ახალგაზრდულ საქმეთა სამსახურის მემვეობით ახორციელებს. სამსახური უზრუნველყოფს თვითმმართველი ერთეულის დაქვემდებარებაში არსებული კულტურის, განათლების, კულტურული მემკვიდრეობის, სასპორტო ინფრასტრუქტურის ობიექტების განვითარების კონცეფციებისა და პროგრამების

მომზადებას, კულტურის, განათლების, სპორტისა და ახალგაზრდული პროგრამების მართვას, შესაბამისი დაწესებულებების ფუნქციონირებისთვის საჭირო პირობების შექმნას.

კულტურის, განათლებისა და სპორტის სფეროზე საუბრისას აუცილებელია აღვნიშნო ის მთავარი ნიუანსი, რაზედაც ადგილობრივი ხელისუფლება აკეთებს მთავარ აქცენტს. ნებისმიერ სფეროში და განსაკუთრებით კულტურის, განათლებისა სპორტის სფეროში პრიორიტეტად შერჩეულ იქნა ინფრასტრუქტურის მოწყობა, რათა ამ სფეროში მოღვაწე მოქალაქეებს, ახალაზდობას, ბავშვებს მიეცეთ საშუალება უფრო მეტად გამოავლინონ საკუთარი შესაძლებლობები. ინფრასტრუქტურულ პროექტებზე ვრცლად ვისაუბრეთ, მაგრამ მიზანშეწონილად ვთვლით ყურადღება გავამახვილოთ ამ სფეროების ცალკეულ ობიექტებზე.

კულტურის სახლის შენობა, რომელიც თავისი მასშტაბითა და მნიშვნელობით ერთ-ერთი უმნიშვნელოვანესი ადგილია ჩვენი მუნიციპალიტეტისათვის, წლების განმავლობაში საჭიროებდა გადახურვას - აწვიმდა ოთახებს, რის გამოც შეუძლებელი იყო ნებისმიერი სახის შიდა რეკონსტრუქცია. მუნიციპალიტეტში შემუშავდა „კულტურულ-საგანმანათლებლო ცენტრის“ ჩამოყალიბების პროექტი, რომლის ფარგლებში განსაზღვრულია კულტურის, სკოლისგარეშე და ხელოვნების სფეროში განათლების მიღებისთვის აუცილებელი პირობების შექმნა ერთიან სივრცეში. ამ პროექტმა ექსპერტების მოწონება დაიმსახურა და საქართველოს რეგიონებში განსახორციელებელი პროექტის ფონდიდან პროექტი დაფინანსდა 800 000 ლარით. პროექტის პირველი ეტაპი უკვე განხორციელდა და შენობა, რომელშიც ახლა ვიმყოფებით სრულად გადაიხურა, გამოიცვალა ელექტროსისტემა, რომელიც ავარიულ მდგომარეობაში იყო და უსაფრთხოების გამო სახადრო-სამაშველო სამსახურს შენობის დახურვის რამდენიმე დასკვნაც კი ჰქონდა დადებული. ასევე სრულად გამაგრდა ზურაბ წერეთლის მიერ შექმნილი კულტურის სახლის ფასადის ბარელიეფი, რომლის სამაგრი სისტემა კოროზიისგან მთლიანად იყო ამორტიზირებული.

მიუხედავად იმისა, რომ კულტურის სახლში წლის განმავლობაში ინტენსიურად მიმდინარეობდა სარემონტო სამუშაოები, კულტურის სფეროში მუშაობა არ შეფერხებულა.

წლის განმავლობაში კულტურის სფეროში ერთ-ერთ მნიშვნელოვან ნაწილად მიიჩნევა ფოლკლორის სახელმწიფო ეროვნული ცენტრის სასწავლო პროგრამით მომუშავე სკოლის ჩამოყალიბება ხობში, რაც აქტიურად გაშუქდა პრესით და ტელევიზიით. გასათვალისწინებელია ის ფაქტი, რომ მსგავსი სკოლა პირველად შეიქმნა ჩვენს რეგიონში. დღეისთვის ამ სკოლაში ქალაქის და ასევე სხვადასხვა სოფლებიდან დაახლოებით 60 ბავშვი უფასოდ ეუფლება ხალხურ სიმღერას და ქართულ საეკლესიო გალობას. პროექტი სუბსიდირებულია ადგილობრივი ბიუჯეტიდან. ასევე გატარდა სამიეზო სამუშაოები სოფლებში მოღვაწე ადამიანთა აღმოჩენის მიმართულებით, რომლის შედეგად თავმოყრილია ასობით ფოლკლორული ნამუშევარი.

მნიშვნელოვნად არის აქცენტი გამახვილებული კულტურული მემკვიდრეობის შენარჩუნებასა და მასზე ზრუნვისკენ. გასული წლების მსგავსად, 2015 წელსაც, ძეგლთა დაცვის მიმართულებით გაწეულმა სამუშაოებმა მნიშვნელოვანი სურათი წარმოადგინა: ჭიხუს პლატოს მიდამოებში აღმოჩენილია ელინისტური ხანის ნამოსახლარები; ბრინჯაოს ხანის ნამოსახლარები დაფიქსირდა ნოჯიხევში, ხობის რკინიგზის სადგურიდან 2 კმ-ში; ხობის მონასტერთან, სასაფლაოს ტერიტორიაზე აღმოჩენილია შუა საუკუნეების ნაგებობის საკმაოდ კარგად შენახული შენობა; ასევე, ნოჯიხევში აღმოჩენილია ბრინჯაოს ხანის არტე-ფაქტები. ხობის კულტურის სფეროს წარმომადგენლებმა მონაწილეობა მიიღეს საქართველოს საპატრიარქოს უნივერსიტეტში გამართულ კონფერენციაზე, რომელიც მიემდგვნა ფოთისა და ხობის ეპარქიას. გამოიცა წიგნი ხობის მუნიციპალიტეტის წარსულის შესახებ, რომლის ავტორია გამგეობის კულტურის, განათლების, სპორტის, ძეგლთა დაცვისა და ახალგაზრდულ საქმეთა სამსახურის მთავარი სპეციალისტი, ისტორიკოსი გოგიტა ჩიტაია.

2014-2015 წლების მნიშვნელოვანი პროექტს წარმოადგენს წმინდა ილია მართლის **პრემიის** პოეზიისა და ხატმწერების, მხატვრების სტუმრობა ხობში. პროექტი უწმინდესისა და უნეტარესის საქართველოს კათოლიკოს პატრიარქის ილია მეორის კურთხევით მიმდინარეობს. ხობის მუნიციპალიტეტი პროექტის ოფიციალური პარტნიორია და ამ მნიშვნელოვანი ტრადიციის ჩამოყალიბებამ ხობი ბევრ ცნობილ ადამიანს დაახლოვა. ხობელ შემოქმედებს შესაძლებლობა ეძლევათ წარსდგნენ ფართო აუდიტორიის წინაშე.

არაერთი ღონისძიება ჩატარდა კულტურის სფეროში, ესენია: ცნობილი ქართველი მსახიობის მურმან ჯინორიას მონო სპექტაკლი; ანიმაციური ფილმების ფესტივალ „ექო-თოფუხის“ ფარგლებში ვორკუოპი ნორჩ მხატვართა წრის მოსწავლეებთან; მოსწავლეთა სახლის ნორჩ ჟურნალისტთა, გამომეტყველებითი კითხვის წრის ლიტერატურული ღონისძიებები, გობელენისა და ნორჩ მხატვართა ნამუშევრების გამოფენები, უნარშეზღუდული გოგონას მარიამ ადონიას მხარდასაჭერი საკონცერტო პროგრამა, რომელმაც კიდევ ერთხელ გააერთიანა ჩვენი საზოგადოება და შესანიშნავი კონცერტის ფარგლებში გოგონას ანგარიშზე სოლიდური თანხა იქნა მობილიზებული.

ტრადიციულად ჩატარდა საეკლესიო-სახალხო დღესასწაული „ცოტნეობა“, სადაც პირველად მიიღეს მონაწილეობა სამეგრელო-ზემო სვანეთის შემოქმედებითმა კოლექტივებმა, მოეწყო საგამოფენო კუთხეები. ცოტნეობის ფარგლებში ჩატარდა პირველი სამეცნიერო კონფერენცია, რომელსაც ესწრებოდნენ სამეცნიერო წრეების წარმომადგენლები. წელს ხობის საპატო მოქალაქეობა მიენიჭა ისტორიკოს გოგიტა ჩიტაიას და მომღერალსა და ლოტბარს რეზო თოდუას.

განსაკუთრებით აღსანიშნავია VII საერთაშორისო ფესტივალი „სიმღერა სამეგრელოზე“. ფესტივალის ორგანიზატორი განათლების, კულტურისა და სულიერების აღორძინების საერთაშორისო ფონდ „ხობთან“ (დამფუძნებელი - ხობის მაჟორიტარი დეპუტატი საქართველოს

პარლამენტში გოდერძი ბუკია), ქართული საერთაშორისო სიმღერის საერთაშორისო ცენტრთან და საქართველოს კულტურისა და ძეგლთა დაცვის სამინისტროსთან ერთად სახელმწიფო რწმუნებულის - გუბერნატორის ადმინისტრაცია, ხობის მუნიციპალიტეტის გამგეობა და საკრებულო იყვნენ. მეშვიდე საერთაშორისო ფესტივალი მომღერალ თამარ გვერდწითელისა და ანსამბლ „რუსთავის“ შემოქმედებას მიემდგნა და როგორც ყველა ფესტივალი, წლებანდელიც გამორჩეული იყო გამოცემებით, საინტერესო სტუმრებით და ახალი რეპერტუარებით.

მუნიციპალიტეტმა თანადაფინანსების სისტემით კეთილმოაწყო თორსა-დღვანის ადმინისტრაციული შენობის მეორე სართული საკონფერენციო და საკონცერტო დარბაზის სახით, სადაც სწავლებას გადიან რამდენიმე სოფლის ბიბლიოთეკისა და კლუბის სპეციალისტები.

ხობელი მოსწავლეებისათვის 2960 ლარით დაფინანსდა პროექტი „ეტალონი“, რომელშიც მონაწილეობა მიიღეს ხობის საჯარო და კერძო სკოლის მოსწავლეებმა.

ერთ-ერთი პრიორიტეტული სფეროა ჩვენს ქვეყანაში სპორტი. ჩვენი მუნიციპალიტეტი გამორჩეული იყო სპორტული ბიოგრაფიით, როგორც სპორტული ბაზებით ასევე სახელოვანი სპორტსმენებით. 2015 წელს მუნიციპალიტეტში მრავალი სპორტული ღონისძიება ჩატარდა ახალგაზრდებისა და მოსახლეობის ფართო მასების ჩაბმის მიზნით. აღსანიშნავია და უმთავრესი, რომ ადგილობრივი მნიშვნელობის სპორტულ-გამაჯანსაღებელი ობიექტების მხრივ ჩვენი მუნიციპალიტეტი განიცდის კრიზისს, არსებული სპორტული მოედნები არ შეესაბამება სტანდარტებს, ხოლო წვრთნები სხვადასხვა სახეობებში ტარდება საჯარო სკოლების სპორტულ დარბაზებში.

ხობელი სპორტსმენებისთვის გამარჯვებები არ ყოფილა იშვიათი, მაგრამ შედეგი, რომელიც საანგარიშო პერიოდს ემთხვევა, როგორც მთელი ქვეყნისათვის, ასევე ჩვენი მუნიციპალიტეტისთვის ყველაზე საამაყო და დასაფასებელია. სპორტის სხვადასხვა სახეობაში ხობელ სპორტსმენებს არაერთი მსოფლიო, ევროპის, საერთაშორისო თუ რესპუბლიკური ტურნირების მნიშვნელოვანი შედეგები აქვთ მოპოვებული. 2015 წელს ყველაზე მნიშვნელოვანი ბერძნულ-რომაული ჭიდაობის ჯგუფის მოსწავლეების საქართველოს ნაკრები გუნდის წევრების ნუგზარ წურწუმისას, ჯონი ხეცურიანის, ირაკლი ნაკაშიას, ნიკა ყორშიას და საერთაშორისო ტურნირის პრიზიორების თემურ გოგოხიას, გოგა პერტახიას, გიორგი სოსელიას შედეგები იყო. მსოფლიო და ევროპის მაღალი ჯილდოები მოიპოვეს ხობელმა მკლავჭიდელებმა გოჩა სიჭინავამ და ანრი ბუკიამ. სასიხარულოა, რომ ხობში აღზრდილმა სპორტსმენებმა გენადი კვიციანიამ და ვილენ გაბრავამ კიდევ ერთხელ მოიპოვეს მსოფლიო ჩემპიონობა. საქართველოს ჩემპიონატებზე და რეგიონალურ შეჯიბრებზე საპრიზო მაჩვენებლები ჰქონდათ მძლეოსნობის ჯგუფის მოსწავლეებს გრიგოლ ახალაიას და მარიამ შონიას. ჯგუფის წევრებისა და მწვრთნელების საერთაშორისო და რესპუბლიკურ ტურნირებზე მივლინება დაფინანსდა ადგილობრივი ბიუჯეტიდან. ჭადრაკის ჯგუფის მოსწავლეებმა ლუკა შამუგია, გიორგი ლატარია, სანდრო

ბუკიამ, ამირან შონიამ, რესპუბლიკურ და რეგიონალურ ტურნირებზე საპრიზო სარეიტინგო მაჩვენებლები მოიპოვეს. აქტიურად წარმართავენ მუშაობას ნორჩი მოკრივეები და მწვრთნელ-მასწავლებლები. საინტერესო შედეგებს აღწევენ ბილიარდის ჯგუფის მოსწავლეები, რომელთა შორის აუცილებელია აღინიშნოს ლუკა ლოლუა და ბილიარდის ფედერაციის მიერ „ვუნდერკინდად“ აღიარებული სანდრო ჩიტაიას მნიშვნელოვანი შედეგები. 1999-2003 წლებში დაბადებულ ნორჩ მორაგბეთა 3 გუნდი დღევანდელი მონაცემებით წარმატებით ასპარეზობს საქართველოს რაგბის კავშირის ეგიდით ორგანიზებულ დასავლეთ საქართველოს გოგონათა და ჭაბუკთა საფესტივალო ასაკების გუნდების შეჯიბრებებში. ღირსეული წარმატებები აქვთ ჭიდაობა-სამბოსა და ძიუდოს ჯგუფის სპორტსმენებს.

ადგილობრივი ბიუჯეტით დაფინანსდა და სპორტის სხვადასხვა სახეობაში გამგეობის შესაბამისი სამსახურის ორგანიზებით ჩატარდა მუნიციპალური ტურნირები. რომლის საერთო ღირებულებამ 14230 ლარი შეადგინა.

წარმატებულია საფეხბურთო წელი - ფეხბურთელები გადიან ინტენსიურ წვრთნებს. მიმდინარე პერიოდისთვის დამთავრდა პროექტი სპორტის მიმართულებით, რომლის მიხედვით გაერთიანდა ბავშვთა საფეხბურთო სკოლა და საფეხბურთო კლუბი „კოლხეთი“. გათვალისწინებულია ახალგაზრდული პროექტების განხორციელება, ყველა ასაკობრივი ჯგუფისთვის შეიქმნება სათანადო პირობები. ასე, რომ მომავალ 2016 წელს, ჩვენ განახლებული, გაერთიანებული საფეხბურთო სტრატეგიით განვაგრძობთ მუშაობას. მით უფრო, რომ გვაქვს შესანიშნავი პერსპექტივა. ხობის ცენტრალურ საფეხბურთო სტადიონს უკვე გადაეცა 1500 სკამი და სტადიონის სარეაბილიტაციო სამუშაოები დამატებით ფინანსდება 500000 ლარით, რასაც ათწლეულებია ელოდებიან ფეხბურთის მოყვარულები და სპორტსმენები.

საინტერესო პროექტი განხორციელდა ბავშვთა ფეხბურთში - სახალისო ფეხბურთის ფარგლებში გაიმართა ტურნირი, რომელშიც საჯარო სკოლის ორასმა მოსწავლემ მიიღო მონაწილეობა. პროექტი საანგარიშო პერიოდში დაიგეგმა და ხობის საზოგადოებისთვის საინტერესო სპორტული სანახაობა მოეწყო.

სწორედ ასეთი შედეგების არგუმენტით მუნიციპალიტეტმა მიმართა საქართველოს ეკონომიკისა და მდგრადი განვითარების სამინისტროს, ხობის მუნიციპალიტეტისთვის გადმოეცა ყოფილი კინოთეატრ „თუთარჩელას“ შენობა. წინადადებას აქტიურად დაუჭირა მხარი სახელმწიფო რწმუნებულმა - გუბერნატორმა და მაჟორიტარმა დეპუტატმა გოდერძი ბუკიამ და შენობა საკუთრებაში გადმოეცა ხობის მუნიციპალიტეტს, პარალელურად მომზადდა საპროექტო წინადადება, რომლის თანახმად, ყოფილი კინოთეატრის შენობაში განთავსდება სავარჯიშო დარბაზები, შეიქმნება საკონფერენციო სივრცეები, კინო-დარბაზი, ბილიარდის, ჭადრაკის, სპორტის მრავალი სახეობისთვის სავარჯიშო ზონები. ხობი უმასპინძლებს რეგიონულ, რესპუბლიკურ და საერთაშორისო ტურნირებს.

ასევე მნიშვნელოვანი სიახლეებია განათლების სფეროშიც: 2015 წელი ჩვენ გამოვაცხადეთ „ბაღების წლად“. ეს არ იყო მხოლოდ პირობითი დამოკიდებულება. სწორად განისაზღვრა ბაღებში ექიმის აუცილებელი საჭიროება და მიღებულ იქნა გადაწყვეტილება საბავშვო ბაღებს დამატებოდა ექიმ-პედიატრის შტატი. ექიმების კონსულტაციის შედეგად შემუშავდა სრულფასოვანი მენიუ, მოზარდისთვის აუცილებელი კვებითი და ენერგეტიკული ღირებულების გათვალისწინებით. საბავშვო ბაღების უმრავლესობა ახალი სამზარეულო მოწყობილობითა და ინვენტარით არის აღჭურვილი, თუმცა რამდენიმე ბაღში გამოსასწორებელია არსებული რთული სიტუაცია. მოგეხსენებათ, წლების განმავლობაში დაგროვილი პრობლემის ერთბაშად გადაწყვეტა კონკრეტულ ვადებს მოითხოვს და პრობლემები სირთულის მიხედვით ეწყობა და პრიორიტეტი ანალიზის შედეგად ენიჭება.

ალბათ, ვისაც გაქვთ შეხება ბაღებთან, თქვენი შვილების, შვილიშვილების სახით, დამეთანხმებით, რომ ხელისუფლებამ არა მხოლოდ უფასო გახადა ბავშვებისთვის საბავშვო ბაღები, არამედ სრული მობილიზებით დაიწყო ზრუნვა უსაფრთხო გარემოზე. კვების სისტემას მუდმივად აკონტროლებს სურსათის ეროვნულ სააგენტო, სადეზინფექციო სამუშაოებს ყველა საბავშვო ბაღში ახორციელებს სადეზინფექციო ცენტრი.

მუნიციპალიტეტის 14 საბავშვო ბაღში რადიკალურად შეიცვალა ათწლეულების განმავლობაში არსებული მდგომარეობა. სტანდარტების შესაბამისად მოეწყო კვების ბლოკები, გარემონტდა საძინებელი ოთახები და სამზარეულო, გაფართოვდა სამეცადინო ოთახები, მოწესრიგდა სველი წერტილები, მოწესრიგდა წყლით მომარაგება, გადაიხურა შენობები, გამოიცვალა კარ-ფანჯრები, შემოიღობა ეზოები.

ეს არ ნიშნავს იმას, რომ ინფრასტრუქტურული თვალსაზრისით არსებული მძიმე სურათი, რომელიც ხელს უშლიდა საბავშვო ბაღებში ბავშვებისთვის კომფორტულ გარემოში სწავლებისა და აღზრდისათვის საჭირო პირობებს, რეალურად ბოლომდე აღმოიფხვრა, მაგრამ უდავოთ ფაქტია, რომ მნიშვნელოვნად ბევრი რამ გაკეთდა.

განსაკუთრებული სიამაყით აღვნიშნავთ ხობის №2 საბავშვო ბაღის სრულ რეაბილიტაციას, რასაც თქვენის ნებართვით მცირე შესავალს გავუკეთებ. ძალიან ბევრს არ სჯეროდა, რომ პროექტი რეალურად განხორციელდებოდა. ეს იყო ბაღი, სადაც ფანჯრები არ იღებოდა და ვერ იხურებოდა, ეს იყო შენობა, სადაც ძალიან ცუდ პირობებში უხდებოდათ ძილი და დასვენება ბავშვებს და შრომა აღმზრდელებს. თუმცა, არაჩვეულებრივი ღონისძიებებით მაინც ახარებდნენ მშობლებს. დღეს ჩვენ მათთან ერთად გვახარებს შედეგი, რაც 311645 ლარის დაფინანსებით არის სახეზე. ამ წარმატებულმა პროექტმა კიდევ ერთხელ დაგვარწმუნა, რომ თუ პრიორიტეტი სწორად იქნა შერჩეული, შედეგი აუცილებლად იქნება წარმატებული.

სრულიად მუნიციპალიტეტისთვის მნიშვნელოვანი გადაწყვეტილება იქნა მიღებული ქვემო ქვალონის №1 საჯარო სკოლის მშენებლობის საკითხის გადასაჭრელად. ადგილობრივი

ხელისუფლების ძალისხმევით და მაჟორიტარი დეპუტატის გოდერძი ბუკიას უშუალო შუამდგომლობით, საქართველოს განათლებისა და მეცნიერების სამინისტრომ დააფინანსა სკოლის ახალი შენობის მშენებლობა, რომლის სავარაუდო ღირებულება 4000000 ლარამდეა. სკოლის მშენებლობისთვის მიწის ახალი ნაკვეთის შესასყიდად საჭირო შეიქნა 42000 ლარი, რომლის ფარგლებშიც, ადგილობრივი ბიუჯეტიდან თანადაფინანსების სახით გაღებულ იქნა 23882 ლარი. პროექტის განხორციელების შედეგად, სეისმურად არამდგრადი და ამორტიზებული შენობის ნაცვლად ქვემო ქვალონში ამოქმედდება თანამედროვე სტანდარტებითა და ინფრასტრუქტურით მოწყობილი სკოლა.

ადგილობრივი ხელისუფლების მხრიდან განსაკუთრებული ყურადღება ექცევა მოსახლეობის სოციალური მდგომარეობის შესწავლას და შესაძლებლობის ფარგლებში მათთვის სათანადო დახმარების გაწევას. ამ კუთხით გამგეობა თავის უფლებამოსილებებს ახორციელებს შრომის, საზოგადოებრივი ჯანმრთელობისა და სოციალური დაცვის, ვეტერანთა, ლტოლვილთა და იძულებით გადაადგილებულ პირთა საქმეების სამსახურის მეშვეობით.

სამსახური უზრუნველყოფს ჯანმრთელობისა და სოციალური დაცვის მუნიციპალური პროგრამების შემუშავებას, თვითმმართველი ერთეულის დაქვემდებარებაში არსებული ჯანმრთელობის დაცვისა და სოციალური ინფრასტრუქტურის ობიექტების მართვას და დამტკიცებული პროგრამების განხორციელებას მოსახლეობის შრომითი მოწყობის და უმუშევართა, ვეტერანთა და ლტოლვილთა სოციალური დახმარების საკითხებში.

მუნიციპალიტეტის ბიუჯეტიდან ფონდირებული სოციალური დახმარებისათვის გამოყოფილი თანხების მიზანმიმართულად, ეფექტურად და სრულყოფილად დაგეგმვა-განხორციელების მიზნით მუნიციპალიტეტში ბოლო რამდენიმე წელია მუშავდება ერთიანი სოციალური და ჯანდაცვის დახმარების მუნიციპალური პროგრამა, რომელიც 2015 წელს 377350 ლარის მოცულობით დამტკიცდა, აქედან სოციალური პაკეტი - 353950 ლარით, ხოლო ჯანდაცვის მუნიციპალური პაკეტი - 23400 ლარით.

სოციალური პაკეტიდან ერთჯერად ფულად დახმარებებზე გათვალისწინებულია 55000 ლარი, 1 ოქტომბრის მდგომარეობით 355 განმცხადებელზე გაცემულია 32190 ლარის ფულადი დახმარება.

საოპერაციო დახმარებებზე გამოყოფილია 55000 ლარი, 58 ავადმყოფის განცხადების განხილვის შედეგად დაკმაყოფილდა 53 და გაიცა 50631 ლარის თანადაფინანსების საგარანტიო წერილი.

ახალშობილთა დახმარებაზე პროგრამით გათვალისწინებულია 450 ახალშობილის დახმარება თანხით 49000 ლარი. 1 ოქტომბრის მდგომარეობით 233 ახალშობილზე გაცემულია 34700 ლარი. პროგრამის ფარგლებში პირველ და მეორე ბავშვზე გათვალისწინებულია 100-100 ლარი, ხოლო მე-3 და ზევით - თითოეულზე 300 ლარი.

პროგრამით გათვალისწინებულ მრავალშვილიანთა (18 წლამდე ასაკის 4 და მეტი შვილი) დახმარების სახით, სარვამარტოდ 70 პირზე გაიცა 10500 ლარი.

დედ-მამით ობოლ 3 ბავშვზე, ბავშვთა დაცვის დღესთან დაკავშირებით გაიცა 450 ლარი.

ომის ვეტერანებისთვის გათვალისწინებული დახმარების ფარგლებში, საცხრამაისოდ 10 ვეტერანზე გაიცა 1500 ლარი.

უმწეოთა სასაღილო ა(ა)იპ „ხობის მუნიციპალიტეტის სათნოების სახლის“ ფუნქციონირების ფარგლებში დაფინანსდა 18765 ლარით, ხოლო შემდგომი ეტაპისთვის 6 თვის განმავლობაში ერთჯერად კვებაზე ტენდერით გათვალისწინებული მომსახურებისთვის გადარიცხულია 30 948 ლარი. პროექტის ფარგლებში დღეში 1-ჯერ უფასოდ იკვებება 120-მდე უმწეო კატეგორიის მოქალაქე.

სარვამართოდ ასევე დაფინანსდა 100 წელს გადაცილებული 4 ქალბატონი, რომელთაც დახმარების სახით ჩაერიცხა 600 ლარი.

უმწეო კატეგორიის მოსახლეობისთვის პროგრამით გათვალისწინებულია წყლის საფასურის სუბსიდირება 6000 ლარის ოდენობით 90 ოჯახზე.

გარდაცვლილი ვეტერანის დაკრძალვის ხარჯების სახით გახარჯულია 1500 ლარი 6 გარდაცვლილ ვეტერანზე, ასევე გარდაცვლილი დევნილის დაკრძალვის ხარჯი დაფინანსდა 800 ლარით, 8 გარდაცვლილი დევნილზე.

ხანძრითა და სტიქიით დაზარალებულ და დამეწყრილ ოჯახზე გამოყოფილია 30000 ლარი. ამ პროგრამით დახმარება გაეწია 11 დაზარალებულს, თანხით - 10772 ლარი.

უნდა გამოვეყოთ ახალი პროგრამა, რომელიც ამოქმედდა 2015 წელს და ითვალისწინებს სოციალურად დაუცველი ოჯახებისთვის დანგრეული სახლების სარეაბილიტაციო დახმარებას. ამ მიზნებისთვის ერთჯერადი დახმარების სახით გამოყოფილია 40000 ლარი. 1 ოქტომბრის მონაცემით კომისიის მიერ შესწავლილია 15 ოჯახი, რომელთაც დახმარება გაეწიათ 24200 ლარის ოდენობით. პროგრამის ფარგლებში, საანგარიშო წლის დარჩენილ პერიოდში ასევე დაკმაყოფილდება 10-მდე ოჯახი.

წელს ჩერნობილის ტრაგედიის 17 დაზარალებულს, ჩერნობილის ტრაგედიის დღესთან დაკავშირებით ერთჯერადად გამოეყო 1700 ლარი.

ხობის მუნიციპალიტეტის ტერიტორიაზე რეგისტრირებულია 4000-მდე იძულებით გადაადგილებული პირი. მათ შორის 1766 კომპაქტურად არის ჩასახლებული, ხოლო 2234 კერძო სექტორში ცხოვრობს. მათ ერთჯერადი და საოპერაციო და სხვა პროგრამით გათვალისწინებული დახმარებები ეძლევათ ისევე, როგორც ადგილობრივი მოსახლეობისთვის არის გათვალისწინებული.

2014 წელს საქართველოს შრომის, ჯანმრთელობისა და სოციალური დაცვის სამინისტროს მიერ მუნიციპალიტეტში დაფინანსდა ერთი ახალი ამბულატორია სოფელ შავდელეში, 2015 წლის სექტემბრიდან ამბულატორია ფუნქციონირებს და ათწლეულების განმავლობაში შავდელეს

მოსახლეობის წინაშე მდგარი პრობლემა ექიმის ხელმისაწვდომობასთან დაკავშირებით მოგვარებულია.

მუნიციპალიტეტის მხრიდან ექსკლუზიური უფლებებით ხორციელდება ჯანდაცვის დამატებითი ექიმამდელი დახმარების პროგრამა, რომელიც შეიმუშავა სამსახურმა სოფლის მოსახლეობის ინტერესებიდან გამომდინარე. პროგრამის ფარგლებში, სახელმწიფო პროგრამის გარეშე დარჩენილ, მოსახლეობის რაოდენობით მიხედვით პატარა სოფლების მაცხოვრებლებს ეწევათ ექიმამდელი დახმარება, რისთვისაც თანადაფინანსების სახით ადგილობრივ ბიუჯეტში გათვალისწინებულია 23400 ლარი.

ადგილობრივ თვითმმართველობას, გარდა ზემოთ ჩამოთვლილი საკუთარი უფლებამოსილებების ფარგლებში განხორციელებული საქმიანობისა, სახელმწიფოს მხრიდან დელეგირებული აქვს სხვადასხვა უფლებამოსილების განხორციელების უფლება. მათ შორისაა მოქალაქეთა სამხედრო აღრიცხვა და წვევამდელთა გაწვევის ორგანიზება. რომელსაც ახორციელებს წვევამდელთა, რეზერვისტთა, სამხედრო აღრიცხვის, გაწვევის და მობილიზაციის სამსახური. სამსახური უზრუნველყოფს მუნიციპალიტეტში მცხოვრებ მოქალაქეთა სამხედრო აღრიცხვაზე აყვანას, სამხედრო სამსახურისთვის მომზადებას, სამხედრო სავალდებულო სამსახურში გაწვევას, მობილიზაციისა და სამხედრო ძალების რეზერვთან დაკავშირებული საკითხების გადაწყვეტას.

2015 წლის იანვარ-აპრილში განხორციელდა 1998 წელს დაბადებულ იმ მოქალაქეთა პირველად სამხედრო აღრიცხვაზე აყვანა, რომელთაც სამხედრო აღრიცხვაზე აყვანისას შეუსრულდათ 17 წელი.

ხობის მუნიციპალიტეტის ტერიტორიაზე არსებული საგანმანათლებლო დაწესებულებებიდან და ორგანიზაციებიდან გამოთხოვილ იქნა მათთან მომუშავე (მოსწავლე) 1998 წელს დაბადებულ ჭაბუკთა სახელობითი სიები პირველად სამხედრო აღრიცხვაზე აყვანის მიზნით. თითოეულ ჭაბუკზე შეიქმნა პირადი საქმე და სამხედრო სააღრიცხვო ბარათები სათანადო დოკუმენტაციის მოთავსებით. ხობის მუნიციპალიტეტის ადმინისტრაციული ერთეულებიდან გამოთხოვილ იქნა ცნობები საცხოვრებელი ადგილისა და ოჯახის შემადგენლობის შესახებ. საჯარო სკოლებიდან გამოთხოვილ იქნა აღრიცხვაზე ასაყვანი ჭაბუკების ავტობიოგრაფიები, დახასიათება და ფოტოსურათები. პარალელურად შეიქმნა 1998 წელს დაბადებული ჭაბუკების პირველად სამხედრო აღრიცხვაზე აყვანის ანბანური წიგნი და მიწერის კომისიის სხდომათა საოქმო წიგნი. სამართალდამცავი ორგანოებიდან და სამედიცინო დაწესებულებებიდან გამოთხოვილ იქნა იმ ჭაბუკთა სახელობითი სია, რომლებიც იმყოფებიან აღრიცხვაზე.

სამსახურის საქმიანობა კოორდინირებულად ხორციელდება საქართველოს თავდაცვის სამინისტროსა და საქართველოს რეგიონული განვითარებისა და ინფრასტრუქტურის

სამინისტროსთან ერთად და სამსახურის წარმატებული საქმიანობისთვის ოფიციალურად იქნა მადლობა გამოცხადებული.

2014 წლის 1 აგვისტოდან, ახალი კანონმდებლობის შესაბამისად, ადგილობრივი თვითმმართველობის ორგანოებში, მათი საქმიანობის ეფექტურობის გაზრდისა და საქმიანობის შიდა კონტროლის მიზნით გამგეობაში შეიქმნა შიდა აუდიტისა და კონტროლის სამსახური.

სამსახურის მიზანია, უზრუნველყოს ადგილობრივი თვითმმართველობის ორგანოებისა და მუნიციპალიტეტის მიერ დაფუძნებული იურიდიული პირების საქმიანობის სრულყოფა და კანონიერება, ფინანსების მართვის გაუმჯობესება, სახსრების, სხვა მატერიალური ფასეულობის ხარჯვისა და გამოყენების კანონიერება, მიზნობრიობის დაცვა და ეფექტიანობის გაზრდა. სამსახური ფუნქციურად დამოუკიდებელია თავის საქმიანობაში და ანგარიშვალდებულია გამგებლის წინაშე. სამსახური თანამშრომლობს სახელმწიფო აუდიტის სამსახურთან და „ჰარმონიზაციის ცენტრთან“.

სამსახურის ჩამოყალიბების პირველივე ეტაპზე შედგა გაცნობითი ხასიათის შეხვედრები ხობის მუნიციპალიტეტის მიერ დაფუძნებულ არასამეწარმეო (არაკომერციულ) იურიდიულ პირებში, შეზღუდული პასუხისმგებლობის საზოგადოებებში და მუნიციპალიტეტის ადმინისტრაციულ ერთეულებში. 2015 წლისთვის შედგა სამუშაო გეგმა, რომლის შესაბამისადაც უზრუნველყოფილია ადგილობრივი თვითმმართველობის ორგანოების საქმიანობის მიმდინარე და კომპლექსური კონტროლი.

შიდა აუდიტისა და კონტროლის სამსახურის მიერ, 2015 წლის სამუშაო გეგმის საფუძველზე ჩატარდა შიდა აუდიტორული შემოწმება ხობის მუნიციპალიტეტის მიერ დაფუძნებულ 7 არასამეწარმეო (არაკომერციულ) იურიდიულ პირში, 2 შეზღუდული პასუხისმგებლობის საზოგადოებაში და ხობის მუნიციპალიტეტის გამგეობის 3 სამსახურში. ესენია: შპს „ხობი დასუფთავება და განათება“, შპს „ხობის მოამბე“, ა(ა)იპ „ხობის მუნიციპალიტეტის სათნოების სახლი“, ა(ა)იპ „ხობის მუნიციპალიტეტის განათლების ცენტრი“, ა(ა)იპ „ხობის მუნიციპალიტეტის კულტურის ცენტრი“, ა(ა)იპ „ხობის მუნიციპალიტეტის პროფესიული სწავლების ცენტრი“, ა(ა)იპ „სკოლამდელი სააღმზრდელო გაერთიანება“, ა(ა)იპ „ხობის მუნიციპალიტეტის საფეხბურთო სკოლა“, ა(ა)იპ „ხობის მუნიციპალიტეტის საფეხბურთო კლუბი „კოლხეთი“, ხობის მუნიციპალიტეტის გამგეობის კულტურის, განათლების, სპორტის, ძეგლთა დაცვისა და ახალგაზრდულ საქმეთა სამსახური, ხობის მუნიციპალიტეტის გამგეობის ინფრასტრუქტურის, ურბანული განვითარებისა და არქიტექტურის სამსახური და ხობის მუნიციპალიტეტის გამგეობის ეკონომიკური განვითარებისა და პროგრამების მართვის სამსახური. გარდა აღნიშნული ფუნქციებისა, შიდა აუდიტისა და კონტროლის სამსახურის მეშვეობით კონტროლდება ადგილობრივი თვითმმართველობის ორგანოებსა და მუნიციპალიტეტის მიერ დაფუძნებულ

იურიდიულ პირებში მოსამსახურეთა ქცევის წესები, დისციპლინა და კანონიერებისა და სამსახურებრივი მოვალეობების დაცვის საკითხები.

წინამდებარე ანგარიშში დეტალურად განალიზდა გამგეობის იმ სამსახურების საქმიანობა, რომელთა საქმიანობა უშუალოდ აისახება მუნიციპალიტეტსა და მის მოსახლეობაზე. რაც შეეხება შიდა სამსახურებრივ საქმიანობას და გამგეობის სამსახურების საქმიანობის ორგანიზაციულ უზრუნველყოფას, მას ახორციელებს ადმინისტრაციული სამსახური, სადაც აღირიცხება და ფიქსირდება გამგეობის მიერ გაწეული საქმიანობის შესახებ მონაცემები თითოეულ მიმართულებაზე. ადმინისტრაციული სამსახური ახორციელებს გამგეობის საქმიანობის ორგანიზაციულ, ანალიტიკურ, საინფორმაციო, სამართლებრივ და მატერიალურ-ტექნიკურ უზრუნველყოფას. მისი ძირითადი ფუნქციაა გამგეობაში ერთიანი საქმისწარმოების, საკადრო საკითხთა, საზოგადოებასთან ურთიერთობისა და საქმიანობას სამართლებრივი უზრუნველყოფა, გამგეობის თანამდებობის პირთა და საჯარო მოსამსახურეთა ფუნქციებით მინიჭებულ უფლება-მოვალეობათა შესრულებისთვის მატერიალურ-ტექნიკური უზრუნველყოფა, გამგეობის კავშირურთიერთობების ორგანიზება საზოგადოებასთან და დაწესებულებებთან.

წარმართული საქმიანობის შედეგებით, ანგარიშში აღწერილ საკითხებთან დაკავშირებით ადმინისტრაციულ სამსახურში აღრიცხულია გამგეობაში შემოსული და გამგეობაში შექმნილი კორესპონდენცია. საქმისწარმოების განყოფილებაში ასევე დაცულია საკადრო დოკუმენტაცია, რომლის განახლებასა და შევსებაზე პერიოდულად მიმდინარეობს მუშაობა.

ადმინისტრაციული სამსახურის ერთ-ერთი ძირითადი მიმართულებაა გამგეობის საქმიანობის სამართლებრივი უზრუნველყოფა. სხვადასხვა საკითხებთან დაკავშირებით გამოცემულია ხობის მუნიციპალიტეტის გამგებლის 965 ბრძანება. სამსახურის მიერ, ან სამსახურის მონაწილეობით შექმნილია და საკრებულოს წარედგინა საკრებულოს დადგენილებების და განკარგულებების პროექტები. გარდა გამგეობის სამსახურების საქმიანობის სამართლებრივი უზრუნველყოფისა, ხშირი იყო მოქალაქეთა მომართვები. მათ ეძლეოდათ სათანადო განმარტებები და იურიდიული დახმარება.

მოქმედი კანონმდებლობით დადგენილი ვალდებულებების გათვალისწინებით, ადმინისტრაციული სამსახურის მიერ მომზადდა სათანადო დოკუმენტაცია და მიმდინარე წლის განმავლობაში სამ ეტაპად გამოცხადდა საჯარო კონკურსები გამგეობის მოხელეთა 99 ვაკანტურ თანამდებობაზე კანდიდატთა დასანიშნად. პარალელურად, გამგეობის 35 მოხელეს ჩაუტარდა ატესტაცია, რომლის ფარგლებშიც გამგეობაში დასაქმებულთა მხრიდან მაღალი შედეგები იქნა ნაჩვენები. კანონმდებლობით გათვალისწინებული ახალი რეგულაციების ფარგლებში განსაკუთრებული ყურადღება ექცევა მოხელეთა სწავლებისა და გადამზადების საკითხს. „ადგილობრივი თვითმმართველობის მოხელეთა უწყვეტი სწავლების სისტემის, მასში ჩართული უწყებების უფლებამოსილებებისა და ამ სისტემის ფუნქციონირების პრინციპებისა და წესის

დამტკიცების თაობაზე“ საქართველოს მთავრობის 2015 წლის 7 ივლისის №319 დადგენილების შესაბამისად მზადდება 2016 წლის სასწავლო გეგმა, რომლის ფარგლებშიც გამგეობის მოსამსახურეთა დიდი ნაწილი აიმაღლებს კვალიფიკაციას.

განსაკუთრებული ყურადღებაა გამახვილებული გამგეობის საქმიანობის პროცესში მოსამსახურეთათვის სათანადო პირობების შექმნისათვის, რაც გამოიხატება როგორც მატერიალურ-ტექნიკური უზრუნველყოფის კუთხით სათანადო აღჭურვისთვის მიმართული საქმიანობით, ასევე თანამედროვე მოთხოვნების გათვალისწინებით სიახლეების დანერგვის ორგანიზებით. ამ მიმართულებით, სახელმწიფო სერვისების განვითარების სააგენტოს პროგრამის „ელექტრონული მმართველობის დანერგვა ადგილობრივ თვითმმართველობებში“ ფარგლებში ხობის მუნიციპალიტეტი 6 სხვა მუნიციპალიტეტთან ერთად შერჩეულია საპილოტე მუნიციპალიტეტად, რომლის ფარგლებშიც მიმდინარე წლის 12 ოქტომბრიდან გამგეობა საქმისწარმოების პროცესში გადავიდა დოკუმენტბრუნვის ელექტრონულ სისტემაზე. განვილი პერიოდში, ელექტრონული მმართველობისა და ელექტრონული საქმისწარმოების დანერგვისათვის ხობის მუნიციპალიტეტის ადგილობრივი თვითმმართველობის ორგანოებში არაერთი საორგანიზაციო საკითხი იქნა მოგვარებული, მათ შორის ძირითადი - ადმინისტრაციულ შენობაში დასრულდა სამსახურების ტექნიკური აღჭურვა და შენობის ქსელური ინფრასტრუქტურის მოწყობა. პროექტი ითვალისწინებს დოკუმენტბრუნვის ელექტრონული სისტემის მეშვეობით მოქალაქეთა და დაინტერესებულ პირთა განცხადებების ელექტრონულად მიღებას და ოპტიმალურ ვადებში განხილვას. სათანადო მატერიალურ-ტექნიკური მზადყოფნის მიზნით ადგილობრივი ბიუჯეტიდან სოლიდური თანხები იქნა მიმართული ადმინისტრაციული შენობის პირველ სართულზე მოქალაქეთა მისაღების მოწყობის, ადმინისტრაციულ შენობაში ქსელური ინფრასტრუქტურის მოწესრიგებისა და მოსამსახურეთა კომპიუტერული ტექნიკით აღჭურვისთვის. მთელი წლის მანძილზე აქტიური კონსულტაციები და შეხვედრები მიმდინარეობდა სააგენტოსთან სათანადო სამართლებრივი და ორგანიზაციული უზრუნველყოფისთვის, რის შემდგომაც ივლისში, აგვისტოსა და ოქტომბერში სააგენტოს მიერ განხორციელდა მოსამსახურეთა გადამზადება ელექტრონული ტექნოლოგიების ასათვისებლად. უახლოესი პერიოდისთვის ადგილობრივ თვითმმართველობას საშუალება ექნება ახალი სერვისები შესთავაზოს მოსახლეობას, რაც მნიშვნელოვნად გააუმჯობესებს როგორც საზოგადოებასთან კომუნიკაციას, ასევე მათი მოთხოვნების დაკმაყოფილებისა და მომსახურების ხარისხს.

წინამდებარე ანგარიშით აშკარად ჩანს ის პოზიტიური შედეგები, რაც ადგილობრივი ხელისუფლების საქმიანობით არის მიღწეული და ასევე აშკარად იკვეთება მცდელობა შემდგომი ეტაპებისთვის უკეთესი შედეგების მისაღწევად. მიუხედავად იმისა, რომ უმეტესწილად ყურადღება გამახვილდა პოზიტიურ შედეგებზე, ეს არ გვაძლევს თვითდამშვიდების საშუალებას,

ვინაიდან საქმიანობის პროცესში ხშირია ასევე შეფერხებები და ნაკლოვანებები, რომელთა უმეტესობა ოპერატიულად გვარდება, თუმცა გარკვეული ნაწილი ანალიზს საჭიროებს სათანადო რეაგირების გზების შესამუშავებლად.

მოსახლეობის ინტერესებისა და მოთხოვნების დაკმაყოფილებისთვის ფრიად მნიშვნელოვანია ადგილობრივ თვითმმართველობას გააჩნდეს კომპეტენციების ფართო სპექტრი, რაც საშუალებას მოგვცემს ადგილობრივ დონეზე ოპერატიულად მოგვარდეს მათთვის აქტუალური საკითხები. ამის საშუალებას უკვე იძლევა ადგილობრივი თვითმმართველობის კოდექსი, რომლის მიხედვითაც გარდა თვითმმართველობებისთვის 2015 წლამდე მინიჭებული უფლებამოსილებებისა, მათ გადაეცა ფუნქციები ისეთი სფეროების რეგულირებისა, როგორცაა დასაქმების ხელშეწყობა, სოფლის მეურნეობის, მათ შორის, სასოფლო-სამეურნეო კოოპერაციის მხარდაჭერა და ტურიზმის განვითარება, სოციალური დახმარების, ჯანდაცვის, ადგილობრივ დონეზე ახალგაზრდული პოლიტიკის განვითარების ხელშეწყობა, მასობრივი სპორტის ხელშეწყობა, გარემოს დაცვის, საზოგადოებრივი განათლების, გენდერული თანასწორობის ხელშეწყობა, ადგილობრივი მნიშვნელობის არქივის წარმოება, ცხოვრების ჯანსაღი წესის დამკვიდრება, ადამიანის ჯანმრთელობისათვის უსაფრთხო გარემოს შექმნა, მუნიციპალიტეტის ტერიტორიაზე ინვესტიციების მოზიდვა, ინოვაციური განვითარების მხარდაჭერა.

დამეთანხმებით, ამ ცვლილებებით ადგილობრივი თვითმმართველობა დიდი გამოწვევების წინაშე დადგა და საზოგადოებასთან ერთად მრავალ მნიშვნელოვან და აქტუალურ საკითხთან დაკავშირებით მოუწევს გადაწყვეტილებების მიღება და ამ გადაწყვეტილებების აღსასრულებლად ახლებურად მუშაობა.

გარდა დღევანდელ ანგარიშში ჩამოთვლილი საქმეებისა, მრავლად არის ისეთი საკითხები, რომელთა ნაწილი იდეის დონეზეა, ხოლო ნაწილის რეალიზებისთვის აქტიური სამუშაოები მიმდინარეობს. მოკლედ მინდა ჩამოგითვალოთ ის პროექტები, რომლებიც 2016 წლისთვის უკვე განსაზღვრულია განსახორციელებლად:

1. როგორც უკვე აღვნიშნეთ, დაგეგმილია კინოთეატრ „თუთარჩელას“ შენობაში მოეწყოს თანამედროვე სპორტული დარბაზი, რისთვისაც სავარაუდოდ საჭირო იქნება 2,0 – 2,5 მილიონი ლარი. პირველ ეტაპზე 70,0 ათასი ლარის ფარგლებში განხორციელდება საპროექტო სამუშაოები
2. კულტურის სახლი რეაბილიტაციისთვის დაიხარჯება 500,0 ათასი ლარი. მოეწყობა ფოიე, წინა ხედი, კიბეები, კარ-ფანჯრები, დარბაზის სკამები;
3. განხორციელდება ცენტრალური სტადიონის რეაბილიტაცია - 500,0 ათასი ლარით;
4. დაგეგმილია ქ. ხობის №1 საბავშვო ბაღის სრული რეაბილიტაცია - 600,0 ათასი ლარით;
5. დამატებით განხორციელდება ქ. ხობის ქუჩების რეაბილიტაცია - 600,0 ათასი ლარით;
6. მოწყობა და მოწესრიგდება ზემო ქვალონი-შუა ქვალონის წყალსადენი ქსელი - 600,0 ათასი ლარით;

7. გაგრძელდება ქუჩების მოვლა-შენახვა - 40,0 ათასი ლარის ფარგლებში;

8. გაგრძელდება მინი სტადიონების მოვლა-შენახვა - 18,0 ათასი ლარის ფარგლებში;

უკვე დაგეგმილი ჩამოთვლილი და სამუშაოების მოცულობა 5358,0 ათასი ლარის ფარგლებშია და ეტაპობრივად გაიზრდება შემუშავებული ახალი წინადადებების შესაბამისად.

განხორციელებული თითოეული საქმე დიდი შრომის შედეგად არის მიღწეული რომელშიც აქტიურად იყო და არის ჩართული საზოგადოების ფართო სპექტრი.

გაწეული საქმიანობისა და თანადგომისათვის მუნიციპალიტეტის სახელით მსურს მადლობა გამოვუცხადო ხობის მუნიციპალიტეტის გამგეობის ყველა სამსახურს თითოეულ მოსამსახურეს, გამგებლის თითოეულ წარმომადგენელს, ხობის მუნიციპალიტეტის საკრებულოს მთელს შემადგენლობას, სახელმწიფო რწმუნებულის - გუბერნატორის ადმინისტრაციას, საქართველოს პარლამენტის წევრებს ხობის მუნიციპალიტეტიდან, მუნიციპალიტეტის ტერიტორიაზე მოქმედ ყველა სახელმწიფო, კერძო და არასამთავრობო ორგანიზაციას, ბიზნესმენს, მეწარმეს და თითოეულ რიგით მოქალაქეს

ჩვენი მიზანია მაქსიმალურად ავამოქმედოთ და გამოვიყენოთ ყველა რესურსი საზოგადოების შემდგომი განვითარებისთვის და ამ მიზნების განხორციელებისათვის მაქსიმალური ხელშემწყობი გარემო შევქმნათ.

გმადლობთ ყურადღებისთვის!

ხობის მუნიციპალიტეტის გამგებელი გოჩა ქაჯაია